

鎮海縣志卷二十三

人物傳二

明一

樂良字仲本○案明史文祖大原好義遇凶歲有持書易米者輒應之遂積至

數千卷曰吾子孫必有能讀之者及良生果能讀其祖所藏書六經子史百

家之言靡不淹貫尤明春秋○案明史趙搆謙以屬文數千言立就府志師

事程端禮○案黃潛撰程端禮墓志端禮病劇目已瞑頭微偏端禮嘗事史

蒙卿蒙卿師陽岳陽枋二陽師蜀人晏淵而淵實朱子之高弟也良既學有

淵源一以朱子爲宗識明而行果銳志於聖賢不以得失動其心本王禕送

端禮呼爲老友志元至正間以賢良徵至京師與黃潛王禕揭傒斯遊府志

志府志禕少良七年恆以兄禮事之志講明道術相得歡甚既而良見元政不

鎮海縣志

卷二十三

人物傳

一

網歸隱於大決小決之間築室數楹偕從弟平江學正衍永嘉丞復讀書其

中以山水自娛洪武初辟爲邑教諭以學行表帥後進循循善誘課試有方

一時英俊若張信陳韶輩咸出其門府志時方繕修城池剏立公宇崇秩祀

事凡碑碣銘記文多出良之手志良被誣冤死京獄丁鶴年有文集數卷

燬於火無存志子枏別有傳

項信祿字龍山其先溫州平陽人元至正間諸生師事金華許謙爲學以主敬

窮理爲本避亂居慶元路與樂良諸人相往還洪武二十七年穿山所城成

信祿愛其山水遂家焉性好施與隣里有貧乏者每給以食死則爲之棺殮

嘗訓其子曰爲人之道惟忠與孝樹立門戶在讀與耕濟以勤儉莫傲驕傲

匪僻汝曹當識吾言年八十六卒光緒

陳韶受業樂良府志精於詩經登科洪武三年舉人四年成進士府志授汝寧

府西平縣丞遷知閩之古田清約自守推所學以誨人諸生受業者甚衆古

縣志

吳士英洪武三年舉人

嘉靖府志

授慶陽府通判以文學飭吏治且能遇事不避改

造學宮官廨又作詠歸亭景范堂

陝西通志

任存敬敦厚慤實士也自幼有志於學肄業慈谿杜洲書院從訓導孫元蒙遊

授朱子詩經傳學成而歸耕田讀書日與古人晤對洪武初以博學薦入京

師試藝中選官高郵州倅

鄭真撰恆農軒記

趙行遠家邑之慈峯

在秦邱鄉慈陳

去城四十里少失怙伶仃孤苦有母年八十餘行

遠耕田讀書暇則取海錯以給奉養洪武六年以秀才徵至京師試藝中選

朝廷嘉之授崇信縣主簿有能聲三載考滿大吏列之異等入覲宴南宮受

上寵賚俾復原職行遠自念親老謁告歸省母彩衣登堂捧觴上壽鄉黨見

者咸嘖嘖以爲榮焉

鄭真撰傳

案陳志稿引續人鏡陽秋有王敏傳云洪武時爲監察御史今考方正學

鎮海縣志

卷二十三

人物傳

二

文集王敏乃台之臨海人續人鏡陽秋訛臨海爲定海而陳志稿復誤引之也故刪去之

光緒志

張信字誠甫弱冠補諸生受業樂良博極羣書尤精詩書二經貢禮部卒業太

學尋中洪武二十六年應天解元明年成進士第一入翰林爲修撰嘗奉命

陪朝鮮使臣權近遊來賓重譯鳴鶴醉仙諸樓飲宴賦詩歷三載陞侍講拾

遺補闕以直聲振於朝三十年會試上命學士劉三吾主試所取盡浙閩人

中原西北無一預者謗聲騰起上怒命儒臣覆試之信與同官六七人受命

閱卷或曰宜少貶以承上意信不可

成化志

覆閱下第卷得六十一人以進不

稱旨或言信受三吾屬故以陋卷呈帝親試策問擢武城人韓克忠爲第一

餘皆北士

通鑑輯覽

帝益怒謂此屬皆胡藍黨三吾坐謫戍信等棄市

成化志

案曰成化志張信昌國狀元橋人然考明洪武二十六年登科錄張信浙

江寧波府定海縣人以昌國是時尚屬於定海也又攷信傳臚及第紀恩

詩有鴻臚欣唱首蛟水見文瀾句蛟水亦指定海而言故舊志入之

光緒志

豐寅初本名初字復初號復齋宋尚書稷之後世居鄞祖茂四徙居定海寅初充洪武二十七年歲貢授訓導陞九江德化教諭博學篤行以身迪人正統間卒年百五歲贈徵仕郎兵科右給事妻滕氏亦百餘歲子慶別有傳

嘉靖府志

參鮑壻亭外集

案曰乾隆志選舉門於洪武二十七年列有歲貢豐寅初而鄞志選舉表於光緒三年新修始行補入證以水東日記祖茂四遷定海寅初至正統間卒扶柩還鄞則當時爲定人無疑矣

樂枏良之子讀書窮理凡醫卜地理無不曉習倜儻有氣節性至孝友家以享戶籍官枏承其役洪武十二年上以享戶大家皆罔上賊下遣使徧覈各倉鹽有損常數者悉解京鞠訊咸承罪坐輸作枏亦在逮中方治行其弟悅願代往枏曰此行生死未可知吾有三子爾尙無後不可往稅卽詣縣請代枏

鎮海縣志

卷三十三 人物傳

三

白於官曰枏名旣不可易且服役鹽事皆枏也稅罔聞知被鞠失對奈何縣因不敢遣枏行一舍許稅又追及之枏叱之去不聽卽乘塹垣以塊提稅稅度枏心不可回始慟哭而返次年枏果死京獄學士烏斯道爲傳其事是時族弟平其父亦被逮當往而平願以身代不允勸父飲酒沈醉重賄獄吏竟行與枏同死獄中孝友萃於一門鄉人咸稱歎焉

乾隆志

俞敏德字謙鳴父彥華赴京聽選至高郵病故母唐氏在家亦故時敏德甫九歲日捐棺號泣聞於邑令令爲給費貸以夫船始得扶柩以歸及長不樂仕進於三山建永思堂環植以竹哀慕不替有司屢以材薦以祿不逮親固辭不就作盤溪四詠以見志號竹所先生年百五歲而卒曾孫愷字天衡慕其祖德因號長山培竹性至孝穎敏嗜學年十四父繫獄愷泣訴於郡守試以五藝一揮而就父遂得免弱冠補郡諸生肆力經史操持廉潔嘗捧詔慈谿力辭常餽縣令以聞於董學副使汪文盛加旌異焉家雖窶親友弟子有不

足者輒隨力助之及當歲貢辭不就曰吾惟日對聖賢課子孫積學足矣後輩尊之咸稱長山先生

乾隆志

豐慶字文慶寅初子正統四年進士授兵科給事中丁艱尋遷右給事中與林聰葉盛高棣等諫景帝南城及易儲事言甚剴切繫詔獄景泰四年爲河南參議運艘阻張秋之決慶請自衛輝泝城泊於沙門陸輓三十里入衛州運抵京師命漕運都恭覆報如其策七年英宗復辟陞河南左參政論周府內官不法事上嘉之陞本司右布政使廉聲大著有縣令以貪墨恐爲慶所按及爲銀燭裏以蠟因掾吏以獻及晚慶視事命取燭不可燃叱使還令詰旦召令責讓之其清慎如此會奉表入賀墜馬傷足時年五十乞致仕

兩浙名賢錄

案水東日記云豐布政文慶世居鄞宋清敏公稷之後高祖庚六徙居奉化曾祖茂四徙居定海考寅初爲德化教諭正統間卒慶始扶柩還

鄞

鎮海縣志

卷二十三

人物傳

四

邱某

居靈緒鄉

一生恂恂下人有犯不校稱書必有忍其乃有濟之言以訓俗故人

呼爲千忍翁善風鑑有女慧而貞鍾愛之每擇婿無當意者偶遊慈谿過書塾得張楷試以梅竹詩大奇之卽許以女焉後果大顯其識超卓又如此

嘉靖志

張源字彥本祖子忠見名宦傳源以父早卒不樂仕進自號廢蓼子才思敏妙博通經史尤邃於易與甬上鄭復言雍言兄弟講論甚相得工詩文浙東學者爭趨其門同里張信嘗贈以詩有詩宗追燕國道派衍橫渠之句孫鉞字敬亭性嗜學探討羣籍工詩兼善畫垂老中副榜作泣玉賦讀者哀之鐸字時化幼聰穎十歲能文十四補諸生旋中成化四年副榜卒年僅二十

傳

張懋延撰

梁田玉建文朝仕刑部郎中其時梁氏父子兄弟八人同仕於朝素以忠義相勗燕兵入金陵田玉與御史葉希賢髡髮爲僧及建文帝出亡往來蕭寺田

玉時奉衣食後不知所終松陽王詔贊曰○案忠賢奇秘錄王詔遊治平寺登絕頂得書一卷內藏建文時出亡臣僚二十餘人姓名事紙毀過字多斷爛餘錄其可識者九人而梁氏與者實四人也因各以詩系之行儒名

梁良玉建文時爲中書舍人燕兵入京良玉訣妻子同朝臣從地道出變姓名挾微貲踰嶺至海南寓市肆間以鬻書爲業尋死焉王詔贊曰忠臣蹇蹇遭彼海濤就書翫市資以盍簪述如遭如哀此陸沈奇秘錄

梁良用未詳何官燕兵入京同時朝臣十八人從地道出良用與焉遂變姓名遜迹爲舟師自沈於水○案續藏書云梁氏父子兄王詔贊曰相彼柏舟載浮載沈中流誓楫懷我好音肯欠一死非名是尋以完我族庶明我心奇秘錄

梁中節與同邑郭良○案焦竑忠節錄及世法俱爲中書舍人少好讀老子太元經燕兵入京偕良棄官爲道士入山以隱○案世法錄郭良梁中節壬午公安夜宿佛寺建文君亦宿焉時改服爲黃冠兩人不知也漏將二鼓微開兩人泣聲既去留姓名於紙君始知之作蕭寺黃冠夜泣詩云戊子春正十

鎮海縣志 卷二十三 人物傳 五

三日寺遇黃冠不相識結蒲拄杖坐西偏低頭不語意自開亡何一人復冠簪髮黃面皺多愁顏拊掌還驚還太息漏分但聞聲唧唧似懷萬斛愁難傾哀猿夜叫寒雅泣余腸縈結語堪言布衣濕透皆淚痕晨興往探詢其苦兩公忠節雲無根空餘蟬斷字數個依稀恍是亡臣名我欲把毫悉臚臚臚臚冰凍筆花寫不得王詔合贊之曰駕言導引笑傲林臯頽波莫挽使我心勞奇秘錄

張安國○案陳志稿子官工部郎建文五年燕兵迫京師安國謂妻賈氏曰大事去矣無能爲也余秩卑不能帥師應敵又不能屈膝事人奈何妻曰盍隱諸乃與妻乘舟入太湖聞京師陷安國大慟曰食人之祿而存身於新主之地恥莫大焉遂與其妻繫舟自沈以死劉玉拊縉雲鄭禧嘗記安國與梁田玉良玉良用郭良諸人死節事而合銘曰今吾古吾知吾者誰瘠若膝身希蹤采薇戢戢潛龍寥寥冥鴻豈吝箕疇而甘漢卜山陬水滙天涯海濤會其可逢鼓以南音肯欠一死以明我心白霓晝見虞淵沈沈孰呵護此悠悠古今

乾隆志

案乾隆志云梁氏父子兄弟實八人同仕於朝及破京後相率變姓名遜

去見於續藏書合之郭良張安國死節者共有十人爲事之極盛因當時法網最嚴人所忌諱故舊志選舉辟薦皆削其名里居事迹亦莫徵其實至萬歷間始表揚忠節而梁氏止傳四人其得從祀鄉賢者邑人薛三才

邵輔忠等請之也

光緒志

金傑兄以罪赴京傑請於官願代行官義而許之臨去時妻徐氏方懷娠傑語之曰生男若善撫之又曰吾此行恐無生理任汝改適已而傑死於外妻生子守節以終

乾隆志

趙濟恭永樂二年進士知德興縣會大疫田疇多蕪濟恭計口授田籍民力強弱爲三等以定差役歲歉自貸於富室以振民饑後卒於官民頌之曰前有辜父後有趙母

江西通志○辜父謂辜泉也

孫天祥字印旋舉人知太和縣豈弟清廉省刑禁耗盡革無名使費閭里皆歌思之在任六年調廣東之保昌士民走送攀留不絕爲建生祠

太和縣志

鎮海縣志

卷二十三

人物傳

六

韓中字允傳懋和之子氣貌清修循謹飭讀書工文辭而雅志恬然不慕榮利闢一軒蓄古今圖史宴坐其中披閱不倦客至焚香啜茗取壁上琴作佩蘭雉朝飛等曲心融神會殆不知有俗塵事也

鄭真詩樂軒記

樊遠其先臨淮人父連從太祖起兵有功官雲南左衛中所千戶遠於洪武二十二年爲溫州衛左所百戶旋調昌國衛副千戶遷錦衣衛千戶尋升羽林衛指揮僉事守滄州成祖登極授定海衛世襲指揮僉事永樂四年從成國公張輔征安南守堡護糧招安難民五年遷磐石衛青門水寨把總禦倭於中山界海洋獲船一擒賊十九人明年調沈家門把總獲倭船三擒賊百四十五人哨至海門洋擊沈倭船七擒賊七人斬首九十七級二十一年疾卒遠自赴定海衛任遂家焉

光緒志

五世孫懋別有傳

陳端禮字履中志操古雅動不逾規博究羣籍集子弟講明經術謂聖賢之學當自修身齊家以達於天下勿事章句弟治從子憲相繼爲御史端禮作廉

說以規之嘗曰汝輩盡忠朝廷不負予教則予得肆情泉石矣乃築室別墅
遂心著述會郡守鄭珞行鄉飲禮必選郡邑齒德尊者爲賓以端禮負介特
望詣門迎之次年復以禮延端禮堅卻不赴人謂賓主俱賢有裨風教志成化
治憲別有傳

劉德名字世嘉研涉六籍羣史處山海奧僻文不耀世耕植自給雖至困乏裕
如也平居盛服端坐絃琴賦詩以自適後學問難輒竭中以告與同邑高士
夏儼陳端禮皆以文行重於時嘉靖志

陳浩淵一名陳字智寧天性孝友善騎射工詩尤精六書之法築小軒一所匾
曰梅月以自況朝夕吟詠其中與鄧楊範王用賓慈谿劉惹桂宗儒結爲詩
社篇章流播價重雞林諸父伯瑞無子浩淵嗣之伯瑞卒哀毀踰禮廬墓三
年晚年好施舍修繕途梁以利行者爲時稱重嘉靖志從孫韜別有傳

王永隆字崇德器度宏雅博學強記永樂九年舉鄉薦第二以屢試國子監高

鎮海縣志

卷二十一

人物傳

七

等入銓注出知澤源州

案澤源州當係澤源州之誤

尋改郴州隨俗施教敦博易良不事

苛削而綱條井井不紊治績彰聞丁母憂服闋補宿州地當淮甸要會民繁
政劇永隆敏於幹濟務廣愷弟值旱嘆禱雨輒應鄰郡蝗起不入境臺使者
上其事於朝加褒錫九載考滿父老詣闕請留降敕優獎進秩右參政視宿
如故正統間案原作正統戊戌戊戌明史英宗紀正統有戊午壬戌無戊戌當有誤故不繫其年入覲京師乞歸不許

又三載懇疏得致仕擇山水幽勝處築精舍與昆弟親友談笑其中年七十

五卒

志成化

賀孟員

○案明科名錄作尚員

幼失怙性樸厚寡言年弱冠從父志德戍遼之廣寧其子

當隨臨行避匿孟員慨然曰塞垣非可獨往我當共之始至廣寧後遷義州
事從父極孝養從父抱疾踰旬孟員晝耕於郊夜侍於家雖辛苦不自知也
嘗商於南州有所獲弟先持以歸稱爲己資已而空囊抵家尊者詰責之孟
員不與辨焉又質木棉於丁家道口貨貨既出值天亢旱孟員不忍人艱於

食遂棄券而歸客居無事手織草履置門外見有跣足過者輒與之邸中樹有鳥爲巢同伴少年取其一繼樊中其一飛鳴不已孟員惻然勸縱之鳥飛鳴上下若感德狀孟員謂同伴曰斯不可樂耶途遇修橋者探囊中金空匱遂解巾上金環界之生平忠厚皆類此子祥官百戶賀欽撰行述欽別有傳

陳治端禮弟自幼博覽強識志操高潔不屑凡近登永樂九年進士授監察御史清介自守執法不阿長院者才之事有難決必屬於治治殫心訊鞫不辭勞勩後陞河南按察使僉事○案乾隆志作四川按察副使風節益勵姦邪斂迹不久挂冠

歸里雍正府志○案乾隆志作入觀卒武昌家徒四壁立衣食無以自給人服其介乾隆志

陳憲字宗禮端禮從子○案陳志稿以憲爲治之子又案永樂十六年進士授監察御史巡按湖廣莊重知憲體又按江西鋤翦豪猾肅清風紀糾察郡縣吏之賢否而去留之不爲權貴少屈南昌之民舊苦三司供給憲因裁之凡一切宿弊靡不釐革人謂之陳一掃尤善折獄有婦人其夫被人謀死懇諸

鎮海縣志 卷二十三 人物傳 八

官經年未斷憲按其地因禱於神夢神告曰斗穀三升米便問陳宗禮憲晨起據案推之見鄰里排年姓名有康七良久曰殺婦之夫者得非康七乎其人叩頭請罪卒置之法一郡稱爲神明吉安守禦千戶臧清貪淫兇惡殺人殆不勝紀都司受賄常曲庇之憲至廉清殺一家無罪三人執訊引伏械送京師民舞抃於道未幾憲歸會同官以鞠獄出入相訐者引憲初鞠爲證俱集刑部憲事已白以待覆奏未出然已有病時施禮署尙書寬而無制屬吏肆爲奸弊凡死罪繫獄者悉得自便臧清雖罪狀著明尙繫獄未決夜竊至憲所詬罵捶擊憲忿恨竟卒於刑部於是公論皆咎禮上問侍臣曰聞御史陳憲能持身振憲紀今安在侍臣以實對上立命磔清於市分省人物考

韓鼎字廷陳父仕昭貢入太學以毆傷役人充問南京工部司吏病卒無力歸櫬同伴權瘞江寧隙地鼎年甫弱冠痛父客死悲泣二載鬻產備貲奔號千里蹤迹故地以求父屍感神夢指示得遺骨歸葬尋中宣德七年解元授句

容知縣砥礪名節惠養黎元正統十三年也先之變以督餉勞瘁死於龍潭驛句容祀之名宦子璉由貢生官至山東德州同知

嘉靖志

孫克濟別有傳

李貴北直隸金吾衛李得弟也正統間得死子勝立甫五歲調定海衛貴越數千里襁負而至人或說之曰君盍自爲計萬戶侯非孺子有也貴輒罵曰人而獸耶孺子可死吾心可死耶卒保護之及長襲爵輔以政事且戒之曰君父不可負也卒用成立人咸服其義

成化志

謝琛字伯玉號恆庵宋建炎中邑令宇之後穎敏博學爲文雄贍正統四年進士知上饒縣蒞政精強操持介特撫善良鋤豪猾民稱爲謝城隍繪像以祀丁母憂歸服闋補河南林邑去邑治二十里有廢祠址過者輒罹咎琛曰神失所依乃爲崇問何神曰白牛琛曰白牛豈有神抑伯牛也啓土果得碑碣新其祠祀之邑賴以安觀風使者令稽覈錢穀磁州倉積弊隱錮琛密廉得其情謂守者曰我已知之其出者若干侵盜若干存儲若干啓視不爽守吏

鎮海縣志

卷二十三

人物傳

九

驚伏遷開封通判以父喪去屬州縣賻贈踰二千金固辭不獲行二十里封還之制終改福建泉州同知尋擢福建按察使僉事未蒞任卒士民哀之子庭蘭諸生象賢克孝紹其家學蚤卒人皆惜之琛弟璉字叔玉平心率物以

隱德稱

嘉靖志參
雍正府志

夏時正字季爵先世由慈谿遷定海傳五世至父與誠始占仁和籍時正博學強記通經史百家中正統十年進士授刑部主事丁外艱景泰初陞郎中時英宗北狩帝廢皇太子見深爲沂王立皇子見濟爲皇太子未幾皇太子薨時正意在復立沂王一日往謁尙書于謙曰東宮已虛中外引領望公羽翼舊儲謙曰戎事不修予之罪立儲國之大事宰揆與勳舊當任其咎時正起曰恐公無所委其責也後謙果以是得禍六年錄囚福建平反死獄六十餘人有盜劫藩府邏者迹至閩執其疑似十八人於獄拷掠死者半之時正值得真盜獲龍鳳服爲驗遂抵罪而先繫者尙九人破械出之會詔以減死之

囚充所在濱海衛軍時正慮其入海島爲變轉發之山東然後以聞因言凡福建減死囚俱宜戍之北方法司是其言而請治違詔罪特有之時正又言通番及劫盜諸獄以待會讞淹引歲月囚多瘐死請令所司斷決詔從之值上杭饑無賴民欲爲變時正不待奏亟請發倉賑之人謂有漢汲黯風天順元年擢大理寺丞久之以便養還南京大理少卿丁內艱服闋改南京太常少卿成化五年遷南京大理寺卿盜殺商人於上新河屍浮於江每夜溯潮抵其旅次或疑酒家傭逮繫具獄時正至廉得逆旅主人利其財以女誘之私而殺之一訊卽服釋酒家傭刑部獄囚有欲亂其子婦強而未成者坐死不服時正擬流罪以聞報可時議謂事干倫理十惡不可以未成貸死時正復奏言十惡無甚於謀殺祖父母父母今律猶以未行已殺爲差內亂固十惡之一其已成者婦行已爲所污倫理已爲所瀆故不得已而辟之其未成者婦行尙無虧倫理猶未壞故罪止於流不忍加之死此聖祖好生之德制

鎮海縣志

卷三十三

人物傳

十

律之微意永樂宣德間其未成者猶多謫戍今安得一切論死乎章下刑部尙書陸瑜覆奏謂當擬以死罪開其未成取自上裁自是未成者多謫戍邊時正所建明也七年命巡視江西災傷

案楊守陞撰神道碑王憲撰墓志皆言七年巡視江西明史稿云五年陞

大理卿明年春巡視江西年分誤

賑餓民二十三萬戶汰諸司冗役數萬奏罷不職吏二百

餘人遠近悅服長河洞流民歎聚有司不能禁時正親臨其地諭以禍福衆感泣羅拜時正選其少年開敏者爲學官弟子或補胥吏一方帖然南昌章江門外每歲夏秋之際水挾風濤嚙城址欲崩時正召監司發帑修固堞垣增築濱江之地及豐城諸縣陂岸民賴其利舊例上供之稅石折銀二錢五分以蘇官田稅重有巡撫某盡歸於仕宦之家時正悉復舊例又諸王將軍莊田賦與勢家應供之稅多累民代輸時正令所司按籍追徵得萬餘石以補貧民逋稅由是豪貴皆毀之時正曰吾知爲國爲民耳復疏時弊二十事以聞明年吏科因時正上奏不具齎奏人姓名論其簡恣帝宥其罪錄彈章

示之時正遂以疾乞休歸案乾隆志言時正巡行江西墨吏皆望風解去而

勅請老與神道碑明史稿微異先是時正父嘗寓杭州有田在橫水間時正因僦室居之屏

絕世慮足迹不入城市布政使張瓚建西湖書院於孤山以處焉案乾隆志

開於孤山據成化杭州府志則云林處士居有巢居閣明成化十一年浙江

布政使寧良右布政杜謙杭守陳讓重建於三賢祠右偏而延南京大理寺

夏時正時正操履端潔不尚依違性孝友事親甚嚴敬親歿遇忌日哭必盡

哀與兄弟雍睦終身雅好學工詩文善楷法行書間居久多所著述於稽古

禮文事尤詳晚歲自號留餘道人宏治十二年卒年八十八案雍正府志作

有司以聞上命遣官諭祭營葬楊守陞撰神道碑

案夏時正明史本傳作仁和人嘉靖府志作慈谿人考楊守陞撰時正

神道碑云其先由隴西遷慈谿傳二十世又遷定海今鎮海傳五世至公

父又占籍仁和遂為杭州人晚致仕由杭歸慈谿後卒於杭窆三峯山

先塋之側所叙身世極為明確更證以時正自撰夏封翁父與誠碑文

鎮海縣志 卷二十三 人物傳 十一

衣冠葬所記碑在慈谿觀音寺門云始祖唐上柱國魯才居是寺即觀音寺

之南之西嚳卒葬寺之後山二十一世祖千秋徙定海六傳而至先臣

先臣十三而孤十五喪母十七游杭辛苦樹立買田築室仁和之三峯

山以居居雖仁和而乃心未嘗不慈谿定海也至革除間始克歸展塋

域臣祖父岐茂祖母馮氏先葬慈谿縣治之德星橋南原至是用徙寺

口堂之後山又構拾穗莊於西嚳之近文溪上以供祭祀收族人之貧

難時先臣年且六十矣遂開壽域於寺所居六清軒之外在祖父宅兆

之左下方而於棺亦豫焉凡居六清軒所落齒髮與冠衣所服之弊皆

納諸棺中且曰死於此葬於此否亦埋衣冠也先臣壽七十有九竟卒

於仁和時為正統十一年越明年葬三峯山之東山是年八月八日實

為先臣之初忌之辰謹領齒髮冠衣蓋於棺而葬於壽域遵治命也以上

節錄據此大理隨侍居杭卒又葬杭所作文自署籍貫為仁和明史本

傳作仁和人自是正當惟定海慈谿兩皆祖籍言世次定更近於慈而歷代墳墓則在慈境故記中以慈谿定海並言雍正府志云大理居杭西湖書院每歲必渡江省故居張懋延蛟川詩話云大理本居吾邑貝家塌村西管鄉少隨其父寓省城是大理生於定海後乃隨侍至杭所謂省故居者自必兼貝家塌村及文溪慈谿志文溪寶慶志作門溪之拾穗莊言之大理慈谿清道觀記云成化辛丑余歸住文溪之拾穗莊又有經行會稽抵慈谿詩云本是故鄉翻謂客惟應鄉語各隨方見蛟川詩此詩雖指慈谿然貝家塌村距文溪不甚遠縣界雖別自可隨時往來大理之屢渡江省故居實係戀戀故鄉猶是先人不忘慈谿定海之意光緒志傳後附陳繼聰大理籍貫考謂大理於慈則爲寓賢所謂省故居者專指定海不涉六世以上之祖宅則於清道觀記及抵慈谿詩將何以解之其武斷失實甚矣大理卒葬於杭不涉定海然今慈橋有夏氏宗祠夏

鎮海縣志

卷二十三

人物傳

十一

氏居其地者三百餘家據云橋因公歸休寓憩息之意故名舊有畫錦坊亦爲公建似歸慈後神道碑公歸杭做室以居布政使張瓚等重建西湖書院於孤山處公久之書院火歸慈谿宏治五年三月布政使楊峻遣人迎公還杭舍於歸錦坊卒壽八十有八觀其往來無定其不忘情故鄉可知亦曾憩息於此故後遂長子孫惜無由證實耳蛟川詩繫謂今崇邱鄉夏杜氏爲公後裔未詳所據至舊志家墓門謂公墓在夏杜陳下又云崇邱人言係宋尚書夏才墓考選舉表又無尚書夏才彥名顯係謬傳今刪

史敏字德敏定海人由淮安衛籍登正統十年進士歷官河南右參政其岳武穆祠詩有難將片石補天缺空恨浮雲蔽日昏句爲時所稱明詩綜

李綱浙江都指揮李凱子宣德間凱督征戰歿綱方齠髻母王氏苦節撫之事王女傳正統間綱襲指揮使由杭州右衛調定海嚴明有勇略視衛家振舉戎

政公宇城隍悉爲葺治性尤孝母疾危篤每夕稽顙北辰求代夢神語治療方遂調劑以進立瘞居常事不白於母不敢行母卒哀毀踰禮喪葬惟謹觀風使者得其實爲請旌於朝焉子濟襲職好文士能繼其家聲嘉靖志元孫誠

立別有傳

丁杰由儒士爲興國縣訓導正統十一年攝龍南學事流寇猝至杰方率諸生講學賊脅以利刃杰端坐不動曰吾方以聖賢之道教人乃爲汝屈耶賊怒

遂殺之

江西通志

艾敬字肅之官衛指揮使沉毅有智蒞政嚴明人不敢干以私正統十四年金華烏龍山賊掠內地猖獗不可支當道廉敬才檄往征討敬挺身深入手射數人矢盡力竭應者不繼遂爲賊所刃總兵徐恭嘉敬勇烈特書忠義以表其門奏聞於朝蒙鑲幣之賜焉

嘉靖志

裔孫春別有傳

劉洪字文裕景泰五年進士授兵部主事爲人伉直有才積資陞武選郎中劾勞國事諸司推最賜四品俸成化八年原州土達叛奉敕紀功瀕行威寧伯王鉞兵部尙書項忠各以子弟相託欲爲之地洪曰予奪國憲也豈臣子所敢爲哉益嚴首功斤斤一無所淆將校帖服比旋王項陰左之止陞俸一級

鎮海縣志

卷二十三

人物傳

十三

宏治十一年陞廣東左參政尋落職歸

嘉靖志

日爲詩文自娛有夢軒稿語多

警策以洩寫不平暇則蒔蔬茹荼攻苦如儒生

董山堂集

後卜居鄞之月湖與魏

偁屠浦楊守隨張昂黃隆諸人爲耆舊之集相飲讌唱酬邦人重之

甬上耆舊詩傳

子光進士官知府

嘉靖志

貝琳字宗器洪武初父以戎籍寓金陵琳幼業儒慕天官學遂學象數於司歷何某盡得其祕被薦充天文生正統景泰間從征迤北及兩廣占候有功授欽天監刻漏博士天順初天象示警英宗召見便殿奏對稱旨賜白金文綺陞五官靈臺郎成化四年因災異上言君能修德感天則災變爲祥若高宗雖鼎宣王旱魃皆遇災知懼卒成中興之美因條陳弭災圖治六事語多可采六年升監副尋改南京平生精究數學刊校回回歷百中經諸書居家孝友與弟珙南北異地多載及官金陵復治第同居庭生嘉瓜並蒂士大夫以爲雍睦之報

江寧府志參兩浙名賢錄

俞民化儻好義鄰里有鬪爭出數語折其曲直且諭以禮人卽引咎若不自容至相戒云無負俞君之戒正統間歲祲輸粟五百石助賑縣令舒謨勒石以旌其義

成化志

沃浩字仲廣元瑀之後早失怙抗志力學工詞翰爲時所推重負氣剛直鄉黨有訟者皆願往質曰是能直我有違行惴惴不敢造其廬治母喪務求合禮大祥猶服齊疏雖盛暑不除人或勸之浩曰君子有終身之憂母恩罔極何能一日忘哉

乾隆志

子類別有傳

賀欽字克恭世家定海父孟員以戎籍隸遼之義州衛

○案成化登科錄賀欽浙江寧波府定海縣人

遼東廣寧後屯衛官籍

欽少穎敏習舉子業輒鄙之曰爲學止於是耶取近思錄讀之

有省成化二年成進士授戶科給事中因亢旱上章極諫言此時遊樂是爲樂憂修德弭災當以實心行實政庶天意可回今朝廷所行未免徒務虛文復以言官曠職召災自劾求退會陳獻章被徵來京師欽聽其論學歎曰至

鎮海縣志

卷二十三

人物傳

十四

性不顯真理猶羅世卽用我而我奚以爲用卽日上疏解官去執弟子禮事獻章旣別肖獻章像歸構一室懸之朝夕瞻視其學專讀五經四書小學期於反身實踐終日閉門靜坐主敬以收放心有來學者輒辭之曰已尙未治何以治人旣而從遊者甚衆教以讀白鹿洞規久之磨礱淬厲成其器業如是者十餘年雖不出戶庭而達官貴人聞風仰德者莫不躬拜牀下宏治改元用閣臣薦起爲陝西右參議璽書至而母適病死乃上疏懇辭且陳四事一資真儒以講聖學之資謂今日要務莫先經筵當博訪真儒以資啓沃二薦賢才以輔治道檢討陳獻章天性高明學術純正宜以非常之禮起之或任內閣俾參大政或在經筵使養君德三遵祖制以處內官內官之職載在祖訓不過備灑掃司啓閉而已近如王振曹吉祥汪直等參預機要干犯政令非招權納寵叢奸納賂卽邀功啓費流毒邊徼甚至引左道以蕩上心進淫巧以盜府庫此其陷君誤國蠹政殃民旣已鑒諸已往尤宜愆之將來內

不可使職司奏牘預聞政事外不可使鎮守地方掌握兵柄四興禮樂以化天下陛下紹基之初舉行朱子喪葬之禮而頹敗之俗因仍不改乞申明正禮革去教坊俗樂以廣治化疏凡萬餘言奏入報聞正德四年太監劉瑾括遼東田東人震恐思亂義州以守臣貪殘變先發聚衆劫掠顧相戒曰毋入東街驚賀黃門欽聞之往諭曰若等吾鄉人也今不幸至此良苦然吾竊爲若等憂鎮城兵不卽至耶如之何衆初洶洶至是知悔羅拜而泣呼曰吾父也願教之欽曰惟不殺人禍可解守臣激變民則無辜能止殺以待命尙不失爲良民也良民何畏焉未幾有言鎮城軍至且勦者衆復噪曰賀黃門無嫚語環跪欽里門欽曰吾固知有是也城中擾攘至此鎮城焉得不發兵兵雖至爾等不殺人必有爾無恐衆散去亂遂定時又有邊將詐誘殺爲陣獲者上官按之不得實一見欽卽慚伏地曰他人可欺吾敢欺賀先生耶其至誠感人如此欽處家篤恩誼正倫理厚嫺戚睦宗黨冠婚喪祭一遵古禮不

鎮海縣志

卷二十三

人物傳

十五

根之言纖毫不入於耳子姓必薰陶之以孝弟之義僮僕與人相競者不問曲直必撻以訓之日改月化一鄉人皆興於善里俗溺於異端喪葬皆作佛事啖酒肉肆爲奢僭欽以身範之晚更好易究心象數手不釋卷大臣薦引相屬終不起少嘗隱居醫無閭山因以醫閭自號人遂稱爲醫閭先生五年十二月卒年七十四諡恭定鄉人祠之凌谿釣臺蓋其講道處也

光緒志

子士

諮別有傳

沃類字文淵浩之子類卅角時輒博覽強識善屬文成化二年成進士官監察御史七年奉檄清理福建戎政丁內艱服闋補原官十二年巡按江西發奸摘伏人稱神明吉安知府貪黠厲民類首劾之爲權貴人所銜誣以庭辱守令骹骹憲典左遷內鄉知縣壤接鄖陽鄖陽豪右多侵內鄉地致民失業流移類至繩豪右以法歸侵地數百頃流亡復還及秋令各輸粟備賑不三年而儲積至十餘萬石民甚利賴之尤究心學校培植士子遷知荊州

○案蛟川詩話

沃侍御知荊州王鉞爲詩以規之有今日牧民宜尚簡此行聽訟貴從寬句侍御終不能用據是足徵其剛直出於天性也荆故建王府

諸無籍者率冒三衛軍民色盜支月糧不可窮治頻搜剔虛數奏罷貪吏數

人削除附冒之糧數十萬石以備兵餉宏治三年丁外艱歸尙書余子俊李

敏交章薦其才頻不欲再仕退老於家日惟觴詠自適非公事不迹城府

詩話沃侍御晚年里居猶指摘大臣過失計奏坐戍榆林久卒年七十九正

府子汝賢字廷用太學生灤州判官家從曾孫光前字道孝言行質樸萬歷

二十八年舉人官河南息縣知縣

薛文介集

朱炯字德蘊成化二年監貢授長沙府經歷稱職巡按獎其能歷署湘陰安化

湘潭益陽諸縣所在著廉聲皆報最陞貴州施秉知縣以年老告休及歸自

號宜休居士同郡吏部尙書屠滂贈以詩有德蘊先生不愛財之句

嘉靖志

周天民字志尹成化四年舉人初任閩縣閩居省會供億繁劇天民具詳當事

一切與鄰邑均之報可民感其德立祠以祀在任九年遷易州知州治內發

鎮海縣志

卷二十三

人物傳

十六

地得古埋錢十餘萬盡輸之公藏修雉堞建官廨及賑濟窮民尋致仕家居

三十餘年卒年九十三室無餘物有書數百卷而已

嘉靖志

繆廉兄弟七人至老同居聚族近百口自祖保障父永宗至孫蘭凡五代耕讀

各職其業歛散需賓事各有條鄉人義之

唐志稿

王愷字宗元少孤力學成化七年舉人授蘄州學正蘄人簡樸鮮文愷教以浙

中文獻捐俸以贍諸生之貧者多所造就先後登科第爲名卿嘗爲山西同

考官遷平原知縣有啗以重貨者愷峻卻之遇旱禱雨輒應俗多盜有麥商

夜經村寺被劫陳於縣愷故匿其事陰令販豆者和少熟豆其夜過寺復劫

去令捕兵易服就寺僧貨豆中有熟者遂收捕一訊而服自是盜賊屏迹稱

爲神明後權要以非法相強愷曰令可去國法不可撓遂致仕家居三十餘

年號樂休居士

嘉靖志

王孟馴素好義行成化間饑縣令宋宣致書於孟馴曰邑被水災民有饑色在

上者不能無憂在下者自當加惠匪以勢迫惟以禮勸或輸米而就散官或納穀而立碣石終身有冠帶之榮一生免徭役之擾勿以慳吝而背仁切須慷慨而響義如肯行賑當時豈不垂芳後世孟馴遂出穀五百石賑濟大吏疏奏於朝上乃賜敕書曰國家先務養民爲急爾王孟馴能出稻穀周助饑荒有司以聞朕甚嘉之今特賜獎諭旌爲義民爾尙益敦仁惠表勵鄉族以副朝廷褒美之意

嘉靖志

同時王國濟出資助築後海塘造長山橋輸糧禦寇

邑人咸作歌以頌之

光緒志

邵瑜字從義其先山東人因宦遊占籍定海世居邑之孝門巷瑜少孤奉母至孝母卒營葬於東管漢塘村廬墓三年未嘗返窺城市喪畢復挈家卜築於墓之西偏二百武且耕且讀成化間輸粟五百石以充邊用詔建坊旌曰義門賜冠帶焉逾年歲大祲捐施粥糜全活甚衆鄉人德之卽其宅東南田畔鑿池爲之備旱名萬功池以志不忘今俗呼王家漕者卽其遺址也年八十

鎮海縣志

卷三十三

人物傳

十七

一卒

嘉靖志

賀士諮字訪之欽之子天性穎敏博極羣書能傳父學陳獻章一見稱之曰老眼識鳳雛中宏治五年舉人淡於名利後以都御史張文錦薦被召首陳十二事曰法帝王務實學存敬慎謹細微親賢遠邪崇儉愛民正俗樂諫惜才保終不報辭疾歸終其身不仕

乾隆志

陳韜字德玉浩淵從孫自幼聰明潛心經史雖盛暑必衣冠以居與人交謙厚和易尤善事母母疾衣不解帶既卒廬墓三年致雉鹿芝草之瑞縣令錢如京聞而異之特式其廬宏治十七年以貢授歷城訓導飭禮度講經義嚴課諸生以身先之歲時餽遺俱辭不受巡撫史琳檄韜署縣事韜固辭曰官以職教而出理民事豈尸祝不越樽俎之謂乎琳大器之陞益都教諭聞命卽乞休比歸躬田園甘清苦布衣蔬食晏如也

嘉靖志

俞憲甫字士欽號東川敏德曾孫正德三年以貢士入大學授長洲丞督通稅